

Skýrsla stjórnar Vísindasjóðs Krabbameinsfélags Íslands til stjórnar Krabbameinsfélags Íslands um starfsárið 2020

Inngangur: Vísindasjóður Krabbameinsfélags Íslands var stofnaður 16. desember 2015 af Krabbameinsfélagi Íslands og aðildarfélögum þess auk þess sem inn í sjóðinn runnu Sjóður Kristínar Björnsdóttur fyrrverandi starfsmanns Sameinuðu þjóðanna og Minningarsjóður Ingibjargar Guðjónsdóttur Johnson. Heildarstofnfé sjóðsins var 254,6 milljónir króna.

Tilgangur: Samkvæmt stofnskrá er tilgangur sjóðsins að efla íslenskar vísindarannsóknir á krabbameinum, m.a. með því að styrkja með fjárframlögum rannsóknir á orsökum krabbameina, forvörnum, meðferð og lífs-gæðum sjúklinga.

Stjórn: Stjórn Vísindasjóðs Krabbameinsfélags Íslands skipa sjö einstaklingar, tilnefndir til þriggja ára í senn af stjórn Krabbameinsfélags Íslands, og tveir til vara. Í stjórn sjóðsins árið 2020 sátu Sigríður Gunnarsdóttir formaður, Magnús Karl Magnússon, varaformaður, Ásgerður Sverrisdóttir, Guðbjörg Edda Eggertsdóttir, Guðrún Sigurjónsdóttir, Sigurður B. Stefánsson og Tinna Laufey Ásgeirsdóttir.

Fundir: Stjórnin hélt tvo fundi á árinu 2020, 27. janúar og 21. apríl. Á janúarfundinum voru samþykktar breytingar á starfsreglum sjóðsins og uppleggið fyrir umsóknir ársins í sjóðinn ákveðið. Á aprílfundinum var ársreikningur sjóðsins samþykktur, fjallað um styrkumsóknir og teknar ákvarðanir um úthlutun úr sjóðnum. Birna Þórisdóttir var starfsmaður sjóðsins.

Fjármál: Ársreikningur sjóðsins, dags. af endurskoðanda 28. maí 2021, var staðfestur og undirritaður af stjórn sjóðsins þann 29. apríl 2021. Starfsmenn Krabbameinsfélags Íslands annast fjárhagslega umsýslu sjóðsins í samræmi við fjárfestingarstefnu hans.

Styrkumsóknir: Samkvæmt stofnskrá sjóðsins skal stjórn sjóðsins auglýsa eftir umsóknum um styrki í byrjun febrúar ár hvert og annast styrkveitingar úr sjóðnum að fenginni umsögn Vísindaráðs Krabbameinsfélags Íslands. Hlutverk Vísindaráðsins er að leggja mat á gæði umsókna, færni rannsakenda o.fl. samkvæmt nánari fyrirmælum í úthlutunarreglum sjóðsstjórnar. Í samræmi við þetta var í byrjun febrúar 2020 auglýst eftir umsóknum um styrki úr sjóðnum. Alls bárust 27 umsóknir að upphæð 190 milljónum króna. Vísindaráð Krabbameinsfélagsins fór yfir umsóknirnar og ritaði umsögn um hverja umsókn. Stjórn Vísindasjóðsins fór í kjölfarið yfir allar umsóknir, umsagnir og tillögur Vísindaráðsins og tók ákvörðun um úthlutun úr sjóðnum á fundi sínum 21. apríl 2020.

Úthlutun styrkja: Samkvæmt stofnskrá sjóðsins hefur sjóðsstjórn árlega til ráðstöfunar tekjur sjóðsins á liðnu starfsári auk þess sem sjóðsstjórn er heimilt að verja allt að 10% af höfuðstól sjóðsins til styrkveitinga. Þeir fjármunir sem ekki eru nýttir til styrkveitinga eru lausir til ráðstöfunar næsta ár. Höfuðstóll laus til styrkveitinga í árslok 2019 var 118,1 milljónir króna, skv. endurskoðuðum ársreikningi. Að fenginni umsögn Vísindaráðsins og í kjölfar mats á fyrirliggjandi umsóknum var ákveðið að styrkja þau rannsóknarverkefni sem Vísindaráð mat í hæstu gæðaflokkum, í samræmi við úthlutunarreglur sjóðsins. Niðurstaða stjórnar Vísindasjóðs Krabbameinsfélagsins var að úthluta 69,2 milljónum króna til 11 rannsóknarverkefna. Um var að ræða fjölbreytt verkefni, sem falla vel að tilgangi sjóðsins. Vegna Covid-19 var engin úthlutunarathöfn en umsækjendur fengu svör þann 24. apríl 2020 og styrkir kynntir formlega á aðalfundi KÍ þann 5. júní 2020.

Styrkir úr Vísindasjóði Krabbameinsfélags Íslands árið 2020:

Andri Steinþór Björnsson hlaut 9.276.000 kr. styrk fyrir verkefnið *Áhrif skimunar fyrir forstigi mergæxlis á andlega heilsu.*

Birna Baldursdóttir hlaut 4.980.000 kr. styrk fyrir verkefnið *Prófun á gangvirku ákvörðunartæki sem aðstoðar karlmenn, sem greinst hafa með staðbundið blöðruhálskirtilskrabbamein, við ákvörðunartöku um meðferðarleið.*

Bylgja Hilmarsdóttir hlaut 3.100.000 kr. styrk fyrir verkefnið *Próun örvefjalíkana úr briskrabbameini og notkun þeirra sem módel fyrir notkun PARP hindra í meðferð.*

Erna Magnúsdóttir hlaut 10.000.000 kr. styrk fyrir verkefnið *BLIMP1 miðluð stjórnun á frumuhring í Waldenströmsæxlum.*

Gunnhildur Ásta Traustadóttir hlaut 4.500.000 kr. styrk fyrir verkefnið *Hlutverk peroxidasin í eðlilegum og illkynja brjóstskirtli.*

Hans Tómas Björnsson hlaut 9.122.525 kr. styrk fyrir verkefnið *Kortlagning kæliferilsins í krabbameinsfrumum til að varpa ljósi á ný meðferðarmörk, áhrif á lifun og meðferðarsvör.*

Inga Reynisdóttir hlaut 1.840.000 kr. styrk fyrir verkefnið *Aukin tjáning Vacuole Membrane Protein 1 (VMP1) tengist verri horfum sjúklunga með HER2 brjóstakrabbamein.*

Margrét Helga Ögmundsdóttir hlaut 8.500.000 kr. styrk fyrir verkefnið *Sjálfsát í krabbameinum: Greining á spendýrasértæku hlutverki ATG7.*

Ragnar Grímur Bjarnason hlaut 4.320.000 kr. styrk fyrir verkefnið *Síðbúnaar afleiðingar krabbameina í æsku: Heilsufar, lífsgæði og hjarta- og efnaskiptatengdir áhættuþættir á fullorðinsaldri.*

Sigurður Guðjónsson hlaut 4.300.000 kr. styrk fyrir verkefnið *Þvagvegakrabbamein á Íslandi: Faraldsfræði, greining, meðferð og afdrif sjúklunga.*

Þórhildur Halldórsdóttir hlaut 9.295.000 kr. styrk fyrir verkefnið *Seinkun aldursklukkunnar: Dregur ljósamedferð úr flýttri líffræðilegri öldrun hjá konum eftir brjóstakrabbameinsmeðferð?*

Lokaorð: Það er mat stjórnar Vísindasjóðs Krabbameinsfélags Íslands að sjóðurinn hafi skotið styrkari stoðum undir íslenskar rannsóknir á þessu fræðasviði. Umsóknir um styrki úr sjóðnum voru í háum gæðaflokki og því má binda vonir við að niðurstöður þeirra skili árangri í baráttunni gegn krabbameinum, með einum eða öðrum hætti. Í lokin er þökkun veitt aðstoð Krabbameinsfélags Íslands við starfsemi sjóðsins á starfsárinu 2020. Jafnframt er komið á framfæri þökkum til Vísindaráðs Krabbameinsfélags Íslands, sem skipað er nú öflugum vísindamönnum, og var árið 2020 undir forystu Eiríks Steingrímssonar, en ráðið hefur lagt á sig mikla vinnu við umfjöllun og mat á umsóknum.

Reykjavík, 7. júní 2021



Sigríður Gunnarsdóttir,
formaður stjórnar Vísindasjóðs Krabbameinsfélags Íslands.